

**Kerajaan Kaji Kemungkinan Bebaskan Tahanan ISA - Hishammuddin  
Bernama  
17 April , 2012**

KUALA LUMPUR, 17 April (Bernama -- Kerajaan memberi jaminan untuk meneliti kemungkinan membebaskan tahanan di bawah Akta Keselamatan Dalam Negeri (ISA) selepas rang undang-undang yang menggantikan akta itu dikuatkuasakan kelak.

Menterinya Datuk Seri Hishammuddin Tun Hussein berkata pihaknya akan meneliti perkara itu seberapa segera dan pembebasan akan bergantung kepada tahap ancaman tahanan kepada keselamatan negara.

"Saya fikir kami perlu menelitinya...untuk melihat sama ada adakah mungkin untuk kita membebaskan mereka," katanya kepada pemberita di lobi Parlimen, di sini.

Beliau berkata pemansuhan ISA bukan saja mengambil kira aspek hak asasi manusia tetapi turut mengambil kira kepentingan keselamatan dan ketenteraman awam.

Dewan Rakyat Selasa meluluskan Rang Undang-undang Kesalahan Keselamatan (Langkah-Langkah Khas) 2012 bagi menggantikan ISA 1960 yang telah berkuatkuasa selama 52 tahun.

---BERNAMA

Hakcipta © 2012 BERNAMA

Source: <http://www.bernama.com/bernama/v6/bm/newsindex.php?id=659800>